

Taletih

Tiya remiad, lilucsa ci Asin tu baedetay a lalilucan, hereksa a mililuc sulinay masunir tu kira ngeru' nu niparemiad, sulinay mapataytu nu ngeru, kuled kawsahen, tangsul satu a makemet a micumud i ngitih niratu. Araw mapacekuktu nu ngitih niratu ci Asin. Mabahal cira masarumarumatu ku seraraw, mapawantu tu liklik, misapaengaengaw tu sasingaran, a mimelaw tu hekal, simsim satu kiya balucu' nira: anu sacacay sa a maru' i kabuti'an kira salikulay tu a ma'urip i seraraway a tamdaw i, kawnasahen ira tuwaca kira mikungkungay tu panan, caykanca kapacekuk kaku satu. Kawna mahaen hen ku nisimsim nu nira, sulinay simikungkungay tu waca, ira nipikungkung makasimsim tu waca cira tiya ngitih, mabiyaraw tu cira a mapirpir ku balucu', i pitalawari sacudacuday satu a misimsim cira tu sasabuhat tira pananan, anu i pa'uripan nu suta' anu cacay tu kaku i, ira hen ku cima aca saw? Satu. “ cima saw? Cima saw? ” sabelibelih sa a maniyur kira nisimsim, pasabalucu' satu a mangalay a mimelaw.

Tuna mahaen na'un satu cira a palawat a mitepar tu panan, ira nipikungkung tu panan, tataak, tataak ku suni, salikulay sabalucu' satu a misakilemel, a mibuhat tira panan, buhat satu. “ waw ” mapacekuk cira, ira

pihacengay ku tataak a masasala'ay a hikuki, masatuku i putal satu, makalalabu tahekal kira tanestesay ku nicaluk tu buduy, sinirapet tu kuwang, mansananay saw, ira nipacumud i kuwang u langdaway a nanum. Mingatatu i ciraan, a pahemek tu kumpay nira, sisurit tu MIB sananay a surit, pabana'ay tu cira u masamaanay a tamdaw sananay. Matini lepelan tu wamin nu micidekay tataakay a rarikah ku tamdaw nu seraraw, a malehakulung kita a patahekal tu henian satu.

I matini micaluk tu ci Asin tu buduy nu hitay, a midakaw tiya u salaay a hikuki, sisataheputu tu pising, sikuwangtu, a malingad a midudu tu henian. Tuna mahaen simi'ang'angay i ciraan “ Asin, Asin saan” ey! U kabana' a ngiha, “ cima ? cima saw? ” satu , mananuwangtu ku liyut mangilangil aca sasamahetik sa. “ kalemuwad tu! ! ! ” u suniay aca nu wina, maputun tu waca ku ngitih nu mita, sinawarsa ku tangal. I yah, taletihay yaca kita satu!

115 年全國語文競賽臺中市複賽臺灣原住民族語言朗讀文章 【南勢阿美語】 高中學生組 編號 4 號

夢境

Asin 在洗完澡後躺在床上休息，進入夢鄉。他夢見地球只剩下他一個人，突然聽見門外傳來敲門聲，讓他感到驚恐。當他鼓起勇氣開門時，一艘巨大的飛碟降落，並從裡面走出一名穿西裝、手持藍色液體槍的男子。該男子展示了 MIB 徽章，告訴他地球上的人類被怪物帶走，需要他的幫助來拯救大家。Asin 準備好裝備上飛碟，開始冒險。然而，這一切突然中斷，原來是媽媽叫醒了他，才發現這只是一場夢。